

BV Bündner Vereinigung für das Volkstheater
UTP Uniun grischuna da teater popular
AGT Associazione grigione per il teatro popolare



Statuten
Statuts
Statuto

I. Num, sedia, intent e relaziun visavi autras organisaziuns

Num e sedia **Art.1.** L'Uniun grischuna da teater popular (UTP) è ina uniun conform l'art. 60 ss. dal cudesch civil ed è organisada sco associaziun.

La sedia da l'uniun sa chatta al domicil legal dal president actual da l'associaziun.

La UTP è politicamain e confessiunalmain neutrala.

Intent **Art.2.** La UTP intenda da promover il teater d'amateurs e popular en il chantun Grischun. Ella promova e sustegna en spezial projects e represchentaziuns da teater, tgira ils contacts cun gruppas da teater e scolescha personas interessadas al teater popular.

La UTP sa sprova da resguardar commensuradamain ils 3 linguatgs dal chantun Grischun.

Relaziun visavi autras organisaziuns **Art.3.** La UTP ha en mira ina stretga collavuraziun cun las organisaziuns da teater localas e regiunalas, las uniuns linguisticas sco er cun la secziun grischuna da la Cuminanza da lavur svizra per il gieu figurativ (CLSGF) e la suprastanza centrala da teater popular svizzer (UCTP).

II. Commembranza

Commembers **Art.4.** La UTP sa cumpona da:

- a) Secziuns A: Associaziuns che tgiran en emprima lingia il teater popular e d'amateurs;
- b) Secziuns B: Associaziuns e gruppas d'auter gener che tgiran dasper er anc il teater popular e d'amateurs;
- c) Organisaziuns chantunalas e regiunalas che promovon directamain u indirectamain il teater popular e d'amateurs (LR, PGI, Walservereinigung);
- d) Singuls commembers: Personas interessadas al teater popular e d'amateurs;
- e) Veterans: Personas ch'èn stadas activas durant 25 onns en il senn dals statuts;
- f) Commembers d'onur: Personas ch'èn sa distinguidas tras lur engaschament per il teater popular e d'amateurs en general.

Veterans vegnan nominads sin proposta da la secziun da tschep e da la suprastanza u, sch'els n'appartegnan betg ad ina secziun da tschep, sulettamain sin proposta da la suprastanza tras la radunanza da delegads.

Commembers d'onur vegnan nominads sin proposta da la suprastanza tras la radunanza da delegads.

Cumenza-ment **Art.5.** Commembers vegnan recepids sin dumonda en scrit tras la decisiun da la proxima radunanza da delegads.

Finiziun a) Extrada **Art.6.** Extradadas èn d'annunziar en scrit al secretariat per la fin da l'onn chalendar, cun observar in termin minimal d'in mez onn.

b) Exclusiun **Art.7.** Exclusiuns pon vegnir decididas da la radunanza da delegads suenter ina comunicaziun correspondentia sin la glista da tractandas, sche:

a) las obligaziuns visavi l'uniun na vegnan betg ademplidas;

b) decisiuns da l'uniun na vegnan ademplidas;

c) ins constatescha in cumportament dischonuraivel visavi l'uniun.

Avant l'exclusiun sto vegnir accordà al commember pertutgà la pussaivladad da preschentar ses puntg da vista a bucca u en scrit a la radunanza da delegads.

c) Facultat **Art.8.** Commembers extrads u exclus n'han nagin dretg sin la facultad da l'uniun.

Per il pajament da las contribuziuns èn els responsabels tenor durada da lur temp da commember.

Dretgs dals commembers **Art.9.** Ils commembers han il dretg:

a) d'inoltrar propostas per mauns da la radunanza da delegads;

b) d'eleger e da vegnir elegi;

c) da votar.

Obligaziuns dals commembers **Art.10.** Ils commembers èn obligads da:

a) resguardar ils statuts e las decisiuns da l'uniun;

b) da pagar las contribuziuns annualas;

c) da promover la reputaziun da l'UTP.

Commembers d'onur na ston pagar naginas contribuziuns.

Las contribuziuns annualas per l'onn current vegnan fixadas da la radunanza ordinaria da delegads.

III. Organs

Organs **Art.11.** Ils organs da la UTP èn:

- a) la radunanza da delegads;
- b) la suprastanza;
- c) il post da revisiun.

A. Radunanza ordinaria da delegads **Art.12.** La radunanza da delegads è l'organ suprem da l'UTP e sa raduna ina giada l'onn - per ordinari la primavaira.

Ella vegn convocada da la suprastanza 15 dis avant cun agiunscher la glista da tractandas.

Propostas per mauns da la radunanza ordinaria da delegads èn d'inoltrar en scrit a la suprastanza enfin il pli tard la fin da favrer.

Radunanza extraordinaria da delegads **Art.13.** Ina radunanza extraordinaria da delegads sto vegnir convocada sin giavisch dad 1/5 dals commembers u da 10 % da las vuschs da commembers ed en cas che la suprastanza considerescha ina tala radunanza sco necessaria.

La suprastanza fixescha il lieu ed il temp e communichescha l'invitaziun e la glista da tractandas.

Eleccziuns e votaziuns **Art.14.** Eleccziuns e votaziuns vegnan exequidas cun il plimaun. Sin proposta da la suprastanza u sin giavisch d'in terz dals preschents sto vegnir applitgà il scrutini.

Cun excepziun da las maioritads prescrittas da la lescha u dals statuts, decida il pli relativ. Tar ina paritad da vuschs decida il/la parsura, per eleccziuns la sort.

Dretg da vuschar **Art.15.** Ils singuls commembers possedan il dumber da vuschs suandant:

- a) secziuns tenor art. 4 alinea 1 lit a possedan 5 vuschs;
- b) secziuns tenor art. 4 alinea 1 lit b possedan 3 vuschs;

c) organisaziuns chantunalas e regiunalas possedan 5 vuschs;

d) Commembers da la suprastanza, commembers singuls, commembers d'onur e veterans possedan mintgamai 1 vusch.

Recusaziun **Art.16.** Mintga commember è exclus dal dretg da votar tar decisziuns davart acts giuridics u cuntraversas giuridicas che pertutgan el, ses conjugal u ina persuna directamain parentada cun el dad ina vart e l'unium da l'autra vart.

Cumpetenzza **Art.17.** A la cumpetenzza da la radunanza da delegads appartegnan:

- a) las eleccziuns: - president(a)
- vicepresident(a)
- actuar(a)
- cassier(a)
- assessur(a)s
- substitut(a)s da la suprastanza
- revisur(a)s
- substitut(a)s dals revisurs
- dumbravuschs

b) approvaziun dals rapports annuals dal president e dals schefs da ressort;

c) approvaziun dal quint annual, dal preventiv sco era dal rapport dals revisurs;

d) fixaziun da la contribuziun annuala;

e) mutaziuns;

f) approvaziun dal program annual;

g) decisziun concernent propostas da la suprastanza e dals commembers;

h) approvaziun e midada dals statuts;

i) nominaziun da veterans e commembers d'onur.

B. Suprastanza: Cumposiziun **Art.18.** La suprastanza vegn elegida da la radunanza da delegads e sa cumpona da:

- a) president(a)
- b) vicepresident(a)
- c) actuar(a)
- d) cassier(a)

e) 5 - 9 assessur(a)s

f) 2 suppleant(a)s

President(a), vicepresidente(a), actuar(a) e cassier(a) vegnan elegid(a)s en lur uffizis da la radunanza da delegads. Dal rest sa constituescha la suprastanza sezza.

Las trais regiuns ston esser represchentadas commensuradamain en la suprastanza.

Elecziuns **Art.19.** Ils onns pèrs vegnan elegids il/la president(a), l'actuar(a), almain 5 assessur(a)s ed in(a) suppleant(a).

Ils onns spèrs vegnan elegids il/la vicepresidente(a), il/la cassier(a), almain 4 assessur(a)s ed in(a) suppleant(a).

Il temp d'uffizi dura 2 onns.

Cumpetenzas da decider **Art.20.** La suprastanza è cumpetenta da decider sche 2/3 dals commembers èn preschents. Decisiuns pon era vegnir prendidas en scrit.

Incumbensas **Art.21.** La suprastanza ha l'incumbensa da:

- a) tractar las fatschentas currentas;
- b) realisar il programm da lavur e las decisiuns da l'associaziun;
- c) nominar las cumissiuns, gruppas da lavur, manaders da ressort, redactur(a)s ed il post dal secretariat;
- d) preparar las radunanzas;
- e) administrar la facultad da l'uniun;
- f) eleger ils delegads per la radunanza da l'Associaziun centrala da teater popular ACTP u d'organisations chantunales.
- g) tractar tut las fatschentas che n'èn betg assignadas a l'organ da l'associaziun tenor lescha u statuts.

Cumpetenzas da finanzas **Art.22.** Davart expensas unicas fin 1'000.-- fr. ed expensas che sa repetan annualmain fin a 200.-- fr. decida la suprastanza sezza.

Suttascripziun **Art.23.** Il president ed il cassier disponan da la suttascripziun legalmain valaivla.

Incumbensas dal president **Art.24.** Il/la president(a) maina particularmain las sedutas e radunanzas e represchenta l'uniun vers enora. En cas dad impediment vegn el/ella remplazzà tras il/la vicepresidente(a).

C. Il post da revisiun **Art.25.** Il post da revisiun consista da 2 revisur(a)s ed ha da controllar las finanzas sco era il quint annual da l'uniun e d'inoltrar in rapport en scrit a la suprastanza per mauns da la radunanza da delegads.

El po prender invista en l'administraziun da l'uniun.

Sco revisurs pon vegnir elegidas persunas natiralas e giuridicas, che nun èn commembers da l'uniun.

IV. Contabilitad

Onn fiscal **Art.26.** L'onn fiscal correspunda a l'onn da l'uniun. L'onn da l'uniun cumpiglia il temp tranter duas radunanzas ordinarias da delegads.

Entradas **Art.27.** Las entradas da l'uniun sa cumponan da:

- a) contribuziuns da commember;
- b) contribuziuns e donaziuns voluntarias;
- c) subvenziuns;
- d) eventuals surplis dad occurenzas da l'uniun.

V. Secretariat

Secretariat **Art.28.** La UTP maina in secretariat. Il carnet dals duairs e las indemnisaziuns vegnan fixads da la suprastanza e reglads contractualmain.

VI. Disposiziuns transitorias e finalas

Revisiun **Art.29.** Midadas dals statuts basegnan il consentiment da dals statuts 2/3 dals commembers preschents ad ina radunanza da delegads.

Dissoluziun **Art.30.** L'associaziun po vegnir dissolvida cun il consentiment da 2/3 dals commembers preschents ad ina radunanza da delegads.

Ina facultad eventuala vegn deponida tar l'ACTP fin ch'ina nova uniun cun il medem intent è fundada.

Entrada **Art.31.** Quests statuts entran en vigur cun l'approvaziun en vigur da la radunanza da delegads.

Quests statuts, scrits en tuttas trais linguas chantunalas, èn vegnids approvads da la radunanza da delegads dals 12 da matg 1990 e remplazzan ils statuts da l'onn 1980 resp. 1982. Per l'interpretaziun è da consultar la versiun tudestga.

Il president:

L'actuara:

Philipp Lenz

Marianne Lendemann